

ÉMARÈSE

Perquè li pèi végnon biàn ?

Tuit i san quièi, é un mouéi i n'an fran temma, qué li première réggue da péi é li preméi pèi biàn déssù la téhta (la canisia, comèn guiòn li médésin), i son la preméira marca dou nohtro côr qu'a l'ét in trin dé végnì vièi. La colour di nohtre pèi é da nohtra péi dépèn da mélanina, eunna sohtansa féita di séllule da nohtra péi. Li pèi végnon biàn can li séllule, qu'i ché trouon ou fon dé tuit li pèi dou nohtro côr, produichon pamà dé mélanina.

Y albìn y an la péi é li pèi biàn pé la mancansa dé mélanina, a coza dé eunna mutachón jénéticca.

Y an lo nér dé y ouèi qu'a l'ét ros, perquè non ié vèi la lutche réfléchà didèn, a coza da colour di véine dé y ouèi.

Li pèi végnon biàn pé dé rajón jénétique é sèn ou pout arevéi pieu vitto a y un qué a y atre.

Y Amérindièn y an la forteunna dé pa saéi diquieù vout dire pédre li pèi é gninca aéi-ie biàn.



lo gnalèi



Région Autonome
Vallée d'Aoste
Regione Autonoma
Valle d'Aosta

Assessorat de l'Éducation
et de la Culture
Assessorato Istruzione
e Cultura

Tiré de :

Philippe Chartier, www.cybersciences.com

Texte publié en 2008 sur « Lo Gnalèi »

Collaborateur d'Émarèse pour la traduction : Daniela Péaquin

La transcription a été soignée par le Guichet Linguistique

Mise à jour de la graphie : octobre 2013